

## HIBRU Zu mbal tuku waŋe

Gabat ande nu Zu mbal afu Yesus tuku son ŋginaig ta nane tuku waŋe kuyarna te tugunu tejenmba.

Zu mbal afu Yesus tuku kume tuku saŋgri tomba tinjinaig sulumba naŋgine tukul maŋau ambokok kusrekinaig. Kusrekinaig ta naŋgine mbal afunŋe piti serniŋginaig le nane maŋ tukul kame ta dubikinaig. Taŋanaig le Yesus dubiwanu gabat andeŋge waŋe te nane tuku wamduŋe te-tiwam tuku kuyarna.

Yesus nu ambokok maŋau ŋakmba kumumba maŋau kitek te-mayokna. Nu kumna sulumba nuŋe ndarembi sine muskil nduiye kile-tidiŋga siŋgine pris gabat suŋgo minit. Ta tuku nane maŋau ambokok saŋgri kugatok ta nduiye kusreka Yesus ndo dubiwaig ŋga nu waŋe te kuyarna.

*Kuate tuku Kiŋo nu eŋel kame liniŋmba o mbolŋge minit*

<sup>1</sup>O buk Kuate nu maŋau kise kisembi nuŋe pasa tugusek tuan taŋgo tuku miŋge mbolŋge kile-mayokka minanu le sine tuku wa mbuŋ kame nane isanu. <sup>2</sup>Ismba minnaig le ma ma kugawam tuku ait te mbolŋge nu nuŋe Kiŋo nuŋe mbolŋge nuŋe pasa te-mayokmba sasiŋgina. Agaŋ ndende ŋakmba nu wai mbolŋge patikam tuku nu Kiŋo nuŋe pilna. Tugu mbolŋge Kuate nu sakina le Kiŋo nuŋeŋge kilke te te-mayokna. <sup>3</sup>Kuate tuku kilŋa nu minit tuku maŋau ŋakmba nuŋe Kiŋo nuŋe mbolŋge minig le kaŋgerkeg. Nale ndindo minik. Kiŋo nuŋeŋge pasa saŋgrinu sakate le agaŋ ndende ŋakmba naŋgine ma mbolŋge minmba kumumbi piroka minmba minig. Nuŋe Kiŋo taŋge taŋgo tuku une sauke suluna sulumba

Kuate Sunjo Ndindo nu tuku ndinam kumamngge samba mbolngge minyokina. <sup>4</sup> Tanjana le Kuate nuje Kiyo nyu sunjo te-mayokna le nu tuku nyu tange ejel tuku nyu liningina. Ta tuku nu nuje miroj mata ejel kame njakmba liningina. <sup>5</sup> Kuate nu nuje Kiyo ta tejenmba sana.

Ne ye tuku Kiyo. Kite ye ne tuku Mam mayok kinet ngina.  
*Mune 2.7*

Kuate nu ejel ande tanjamba sa ndana. Nu man nuje Kiyo sana:

Ye ne tuku Mam mayok kangit.

Ne ye tuku Kiyo minamngat nga sana. *2 Samuel 7.14*

Nu ejel ande tanjamba sa ndana.

<sup>6</sup> Kuate nuje Kiyo mulum kilke te mbolngge te-mayokam bafuna sulumba nu nuje Kiyo nuje tuku tejenmba sakina.

Yije ejel kame, tane nu tuku nyu te-dunga nu mbarinap ngina. *Lo 32.43*

<sup>7</sup> Kuate nu nuje ejel kame tuku tejenmba sakina.

Yije ejel kame nane bubre tanjaj kile-mayokket.

Yije kukul mbal pa mane tanjaj kile-mayokket ngina.

*Mune 104.44*

<sup>8</sup> Nu nuje Kiyo tuku pasa tejenmba sakina.

Ne Kuate. Ne nyu sunjo njak naje mbal kulatka minmba minamngat. Kugawe nda.

Ne kumumbi naje gageu kulatkate.

<sup>9</sup> Ne manjau tinjeknu ndo nzalinu ne manjau najgonu njakmba mbulmba pitaikate.

Ta tuku ye ne tuku Mbara naje mbal ngamukngge ne sunjomba make pilmba nyu sunjo tinmba gare tinen ngina. *Mune 45.6*

<sup>10</sup> Kuate nu nuje Kiyo tuku man tejenmba sakina.

Sunjo, ne tugu mbolngge kilke te-mayokna.

Ne naje wai kuyarmbi samba pilna.

<sup>11</sup> Kilke samba ngisikamngaik ta ne tanjawe nda.

Ne minmba minamngat.

Kilke samba tawi tajarj urfu patika njaigongamngaik.

<sup>12</sup> Tawawaik le tango nu tawi tumba filfilte tajarjamba ne samba kilke filfilmba kile-sikamngat.

Nane tawi abonu kilmba tingig tajarj ne samba kilke urfunu kile-sika marj abonu kile-mayokkamngat.

Nenge ndo mbilka kisemba mayok kine nda.

Ne tuku yar mata kugawe nda. Ne minmba minamngat ngina. *Mune 102.25*

<sup>13</sup> Kuate nu marj lato nuje Kiyo sana:

Ne ye tuku ndinam kumam tenge sangri njak minyok mina le ma ma yenje ne tuku ngueu mbal jakmba kile-iberjka ne tuku kupe kumnemnge patikamngit ngina. *Mune 110.1*

Nu ejel ande pasa ta sa ndana. <sup>14</sup> Ejel kame nane Kuate tuku pasa dubide tuku guwa ndo. Sine afu Kuatenge muskil kile-tidingam tuku mineg mbal nu nane kukulningit le pro sine tursingig.

## 2

### *Kuate nu ndin mayenu te-mayokna*

<sup>1</sup> Kuate tuku Kiyo nu o mbolnje minit tukunu sine nu tuku pasa mayenu isgenj ta ake wamwamka li ndaka kurauka likube. Sine taja ndabe ta sine waj tajarj kundu mayenu limba fare fare kumba ka ngisikamngig.

<sup>2</sup> O buk Kuate nu ejel kukulningina le nane Moses tukul tunaig ta son sangri njak. Singine mbutj kame pasa ta lukanaig ta lafunu kumumbi tinaig. <sup>3</sup> Sine singine muskil kile-tidingam tuku pasa mayenu Sungonge te-mayokmba sakina le nane isnaig mbalnje sine kubeu singinaig. Kile sine pasa mayenu te ake wamwamka likeg ta sine tajarjamba ndo lafunu tamngig. <sup>4</sup> Kuate nu nuje pasa ta sangri pilemba wam yimyambbi nuje sangri kile-mayokka wam

kitek ke likina. Nu nuje nzali dubimba Tukul Guwa tuku sangri yimyam ninje likina.

<sup>5</sup> Kilke kitek prowam tuku sakig ta kilke ta kulatkam tuku Kuate nu nuje ejel madi ndaningina. <sup>6</sup> Kuate tuku pasa mbolnje ande nu terjenmba kuyarna.

O Kuate, tango nu ima le ne mara mara nu idus timba minit. Nu ima le ne nu turam tuku kulatkate.

<sup>7</sup> Ne ait fagnu nu tumba ejel kame kumnemnje pilna.

Tanjana sulumba ne man nu tumba te-mayokmba nyu sunjo tuna.

<sup>8</sup> Ne aganj ndende njakmba kilmba nu kumnemnje patikina.

*8.4-6*

*Mune*

Tanjamba Kuate nu aganj ndende njakmba kilmba tango kumnemnje patikina. Aganj ande tanjonge kulat ndakanu tanjan mine ndakate.

Son. Kile ait te mbolnje aganj ndende njakmba tango kumnemnje minig le sine kanjer ndakeg. <sup>9</sup> Kanjer ndakeg ta Yesus kanjermba nu mbolnje kila pileg. Kuate nu tango ake sina make patika Yesus nu njakmba tuku kumwa nga nu tumba ait fagnu ejel kame kumnemnje pilna. Pilna le nu njakmba tuku kumna sulumba nyu sunjo pasa njak mayok kina.

<sup>10</sup> Kuate nu aganj ndende njakmba kile-mayokkina. Njakmba nu tuku nzali ndo dubiwam tuku minig. Nu tango gudommba nuje kijo kame mayok ka nuje kilja tugumnje minam tuku idusna sulumba nu kumumbi nane tuku muskil kile-tidingam tuku tango rar sunjo tuna. Yesus nu rar ta mbolnje nu sine tuku gabat mayok ka sine tuku muskil kile-tidinge singit.

<sup>11</sup> Tango nane Kuate tuku mbal mayok kambim tuku ande nu atrau piro biyit ta nane nu ndorj tugu ndindo. Njakmba Kuate tuku minig. Ta tuku singine Sunjo nu sine

yabu ndaka yiñe maib kame ñga <sup>12</sup> sine ndoñ minam tuku Mam nuñe teñemba sana.

Mam Kuate, ye ne tuku nyu sungo ta yiñe maib kame ndoñ te-mayokmba saka minamñgit.

Ye nane mbal ñgamukñge munembi ne tuku nyu te-dungamñgit ñgina. *Mune*  
*22.2*

<sup>13</sup> Nu mañ kuyar ande mbolñge teñemba sakina.

Kuate, ye ne tuku sañgri tomba tiñget ñgina. *Aisaia 8.17*

Pasa ande mata teñemba.

Ye yiñe maib kame Kuateñge ye sina ta ndoñ minet ñgina. *Aisaia 8.18*

<sup>14</sup> Kuate nu Yesus tuna mbal nane ñgarosu ñak. Ta tuku Kristus nu sine tañañ ñgarosu ñak mayok kina. Tañamba nu mañau ta dubimba nu kumna. Nu kumna ta tiñga kume tuku sañgri Satan te-ibeñna sulumba <sup>15</sup> sine kumam tuku kuru-kuruka mineg ta sine tuku muskil kile-tidiñga kuru kuru wam ta tukulna.

<sup>16</sup> Nu eñel kame turkam tuku nde ndakina ta kilimok. Nu sine Abraham tuku tugu ñakmba tursiñgam tuku ndekina. <sup>17</sup> Ta tuku nu nuñe maib kame minig tañañ mayok kina. Wam ta mbolñge ndo nu sine tuku pris sungo mayok kambim kumuñ. Nu kumna sulumba nu Kuate tugumñge sine mapeka sine tuku atrau piro kumumbi biyit le Kuate nu sine tuku une sauka gilaiñgate. <sup>18</sup> Nu sine tañgo tañañ mayok kina le Satan nu tagomba minna ta nu piti ta kamsna tukunu kile nu sine tago mbolñge mineg ta nu sine tursiñgam kumuñ.

### 3

#### *Yesus nu Moses lite*

<sup>1</sup> Tira kame, Kuateñge sine ñakmba wikina le sine nu tuku kuasmbi ndindo mineg. Nu Yesus kukulna le nu sine

tuku pris sunjo minit. Ta tuku singine wamdus jakmba Yesus ndo idus tibe.

<sup>2</sup> O buk Moses nu Kuate tuku mbal ngamuknge piro ke mayemba minna. Tanamba ndo Yesus nu Kuatenge piro tuna ta nu piro ke mayena. <sup>3</sup> Nale arnej piro mayenaik ta Yesus nu Moses lite. Tango ande wande pilit ta sine wande tuku nyu te-du ndangeg. Sine tango tuku nyu te-dungeg. <sup>4</sup> Wande jakmba tangonge patikade ta Kuate nu agaj jakmba tugu. <sup>5</sup> Moses nu piro tango ndo Kuate tuku mbal ngamuknge piro mayena. Kuate nu ngumnga wam kile-mayokkina ta nu wam ta tuku saka minna. <sup>6</sup> Kristus nu Kuate tuku Kiyo minmba Kuate tuku mbal ngamuknge piro mayena. Nu mbal ta tuku tugu. Sine wamdus sangrinu pilmba singine Sunjo tuku pasa alonu tairnga minbe ta sine Kuate tuku mbal nu tuku wande tajar mineg.

*Ngamungal kilba tukul ndakam tuku pasa*

<sup>7</sup> Sine Tukul Guwa tuku pasa ise mayebe. Nu tejenmba sana.

Kile ait te mbolnge tane Kuate tuku pasa isig te

<sup>8</sup> tangine mbur Moses ndoj ma baknu mbolnge minnaig tajar ngamungal tukulmba kilba tukul ndakap.

Nane ye tuku wamdus mukuknu te gubra pile sam tuku tago-tagonaig.

<sup>9</sup> Nane yar 40 ye tuku piro sangrinu yimyam kanjerkumba ta tuku nda idusmba ye tago-tagoyumba minnaig.

<sup>10</sup> Ta tuku ye mbal ta tuku gubra tumba nane tuku tejenmba saken. Nane tuku wamdus tugusek kuga. Nane ye tuku manjau katese ndade ngen.

<sup>11</sup> Ye nane tuku gubra sunjo tumba pasa sangrinumbi tejenmba saken. Nane ye ndoj mabte nda ngen.

*Mune 95.7-11*

Tukul Guwa nu tanamba Kuate tuku minje pasa sakina.

<sup>12</sup> Tira kame, tane rironj mayewap. Ande tane ngamuknge wamdus tugusek kugatok minmba Kuate abo minmba minit nu talamba pitaiwikat. <sup>13</sup> Ki ait mindek tangine tangine munngu sangri pileningap. Tane kile abo njak minig ait mbolnge manjau ta kusre ndawap. Tane taja ndawap ta une manjau tanje tane didikuwa le tangine ngamunggal tukulkikat. <sup>14</sup> Ambonnga sine Kristus wamdus ndindombi tigej. Sine manjau ta kusre ndamba tajamba ndo minbe ta sine nu tugumnge gare njak minamngig.

<sup>15</sup> Kuate tuku pasa wam ta tuku tenjenmba sakate.

Kile ait te mbolnge tane Kuate tuku pasa isig te tangine mbunj kame tajanj ngamunggal tukulmba kilba tukul ndawap nga sakate. *Mune 95.7-11*

<sup>16</sup> Tane idusap. Ima kate ngamunggal tukulmba kilba tukul-naig e? Moses nu nane njakmba kilmba Isip kusremba kinaig mbal ta. <sup>17</sup> Ima kate tuku Kuate nu yar 40 mbolnge gubra tina e? Nane wam njagonu ke lika ma baknu mbolnge kume farnaig mbal ta. <sup>18</sup> Ima kate tuku Kuate nu pasa sangrimbi nane ye ndonj mabte nda ngina e? Nane nu tuku pasa ismba dubi ndanaig mbal ta. <sup>19</sup> Nane Kuate talamba nu kumu njuga nga idusnaig tukunu nane nu ndonj mabte ndakinaig.

## 4

### *Kuate nu tango ndonj mabtam tuku iduste*

<sup>1</sup> Kuate nu tango afu nu ndonj mabtam tuku pasa sangrinu pilna ta kile minit. Kuga ndate. Ta tuku sine kuru-kuruka kurau mayebe. Sine Kuate ndonj mabtam tuku wam lisngikat. <sup>2</sup> Sine singine mbunj kame buk minnaig tajanj kile mata pasa mayenu iseg. Nane pasa mayenu ismba talakinaig tukunu pasa ta nane tur ndakina. <sup>3-5</sup> Sine nu tuku pasa ismba son ngeg mbal ndo Kuate ndonj mabta

mineg. Kuate nu tugu mbolŋge agarŋ ndende ŋakmba kile-mayokka nuŋe piro ŋakmba sugluka mabtina. Kuate tuku pasa mbolŋge ande nu mara 7 tuku teŋenmba kuyarna.

Kuate nu mara 7 mbolŋge nuŋe piro ŋakmba sugluka mabtina ŋga kuyarna. *Mulum Pasa 2.2*

Afu nu ndoŋ mabtam tuku Kuate nu sakina ta nane nu talamba pitainaig le nu nane tuku teŋenmba sakina.

Ye gubra sunŋo tumba pasa sanŋgrinumbi teŋenmba saken:

Nane ye ndoŋ mabte nda ŋga saken. *Mune 95.11*

<sup>6</sup> Pasa taŋge sine teŋenmba tumsingit. Kuate nu taŋgo ndoŋ mabtam tuku iduste. Nane ambonŋa Kuate tuku pasa mayenu isnaig mbal ta nane nu talamba nu ndoŋ mabte ndakinaig. <sup>7</sup> Ta tuku ŋgumnenŋa Kuate nu taŋgo ndoŋ mabtam tuku ait ande te-mayokna ta kite ki ait noten. Ye David tuku pasa buk satinŋit ta Kuate nu teŋenmba sakate.

Kile ki ait te mbolŋge tane Kuate tuku pasa isig te ŋga-munŋal tukulmba kilba tukul ndawap ŋgate. *Mune 95.7-8*

*Kuate ndoŋ mabteg wam kilke mbolok kuga*

<sup>8</sup> Yosua nu Israel mbal kilmba Kanan kilke mbol promba nane Kuate ndoŋ mabte ndakinaig. Nane taŋamba mabti-naig kande Kuate nu ŋgumnenŋa maŋ mabtam tuku ait ande sa ndakina kande. <sup>9</sup> Kuate nu nuŋe piro ke suluna sulumba mabtina taŋamba ndo nuŋe mbal nu tugumŋge mabtamŋgaig. <sup>10</sup> Sine Kuate ndoŋ mabteg ta nu nuŋe piro sugluka mabtina taŋamba ndo sine sinŋine piro tuku sanŋri kusremba Kuate tuku sanŋri tomba tinŋa mabteg. <sup>11</sup> Sine taŋamba nu ndoŋ mabtam tuku wamduŋ sanŋrinu pilmba dirnanŋgube. Ande nu pasa mayenu ismba talakuwa ta nu sinŋine mbuŋ kame taŋaŋ Kuate ndoŋ mabte nda.



<sup>12</sup> Kuate tuku minje pasa sangri njayo abo jak minmba minit. Pasa ta kame bagi agonu limba nu agok njayo. Nu tango tuku ngamungal nduasemba ka sinam nzinge kilke mbolok manau samba mbolok manau ngamu fetka kilimok kile-mayokkate. Tango tuku wamdus nzali kise kise kam idusde ta nu kinjenka kila minit. <sup>13</sup> Aganj ande Kuate am mbolnje kuirka minam kumunj kuga. Sine tuku wam jakmba nu am mbolnje mayoknje minig. Ngumnenja nu sine pilesingwa le sine ta son ngamngig.

*Yesus nu sine tuku pris sunjo*

<sup>14</sup> Singine pris sunjo nu samba mbol kina sulumba kile Kuate tugumnje minit. Nu Kuate tuku kijo nuje Yesus. Ta tuku pasa mayenu iseg te biye debe. <sup>15</sup> Singine pris sunjo nu kilke te mbolnje minmba tago jakmba nu mbolnje pronaig ta nu mbar ndana. Tago mbolnje sine sangri kugatok ta nu kila pilna sulumba sine sinasingit. <sup>16</sup> Ta tuku sine kuru kuru kugatok wamdus bulok Kuate tugum kab. Nu ake sinanj tango make patika turkam iduste. Sine nu tugum kab ta nu sine mapeka singine piti ait mbolnje tursingit.

## 5

<sup>1</sup> Sine tango ngamuknje tango afu atrau piro biyam tuku mayok kinig ta nane sine jakmba tuku Kuate am mbolnje pirokade. Sine aganj afu Kuate tambim tuku ninjeg le nane Kuate tuku patikade sulumba singine une saukam tuku aganjmor bale farmba atraukade. <sup>2</sup> Pris mbal nane tango ndo nane sine tananj mbar jak. Ta tuku nane katese ndade mbal mbarde mbal wamdus bafumbi kulatka piroka minig. <sup>3</sup> Pris mbal mbar jak tukunu nane tango tuku une saukam tuku aganjmor bale farmba atraukade ta nanjine une tuku turmba atraukade.

<sup>4</sup> Tango ande nu nuje wamdusmbi atrau piro biyam tuku nuje nyu te-mayokam kumuŋ kuga. Kuatenje madingit mbal ndo piro ta biyam kumuŋ. Abo abo nu Aron taŋamba madina. <sup>5</sup> Kristus nu mata nuje wamdusmbi pris suŋgo mayok kambim tuku nu nuje nyu te-mayok ndana. Kuatenje Kristus nu piro ta kam tuku madina sulumba sana:

Ne ye tuku Kiŋo. Kite ye ne tuku Mam mayok kinet ŋgina.

*Mune 2.7*

<sup>6</sup> Kuate tuku kuyar pasa ande tejenmba sakate.

Ne Melkisedek taŋaŋ pris minmba minamŋgat ŋgate.

*Mune 110.4*

<sup>7</sup> Yesus nu kilke mbolok tango minmba nuje kume mbolŋge Kuatenje nu tuku muskil te-tiwam kumuŋ ŋga Kuate yabaŋmba suŋgomba malmbika sarsarmba minna. Nu wamdus ndindo ŋak Kuate kumnemŋge minna le Kuate nu tuku yabaŋ pasa ta isna.

<sup>8</sup> Yesus nu Kuate tuku Kiŋo ta nu mata piti sugo kamusna. Piti ta mbolŋge Kuate kumnemŋge minam tuku wam ta nu kila pile mayena. <sup>9-10</sup> Nu Kuate tuku nzali ndo dubimba piti kamusmba minna ma ma nu kumumbi mayok kina. Nu kumumbi mayok kina le Kuate nu nuje Kiŋo ta tejenmba sana. Ne Melkisedek taŋaŋ pris suŋgo minmba minamŋgat ŋgina. Nu pris suŋgo mayok ka sine nu tuku pasa dubiweg mbal sine muskil kile-tidinga abo minmba minam tuku siŋgit.

*Sine Kristus tuku wam ŋakmba kila pilmba sugokube*

<sup>11</sup> Sine Melkisedek tuku wam afu gudommba satinŋam iduseg ta tane pasa isam tuku ŋgaro wasni ŋak pron-aig tukunu sine tugunu ŋakmba tumtingam tuku piro karenkeg. <sup>12</sup> Tane o buk Kuate tuku pasa isaig ta kile tane nane afu tumningam tuku ta tane kumuŋ kuga. Sine maŋ pasa ndui ta tugu patika tumtingam iduseg. Tane

kiyo dabro tanaŋ amo ndo nyam kumuŋ. Tane nyamagaŋ kareŋnu nyam kumuŋ kuga. <sup>13</sup> Kiyo dabro amo ndo nyumba minit tanaŋ tane maŋau tiŋreknu katese ndamba mbirmbarmba minig. <sup>14</sup> Tango sugoŋge ndo nyamagaŋ kareŋnu nyade. Nane mara mara maŋau tiŋreknu dubika wam magenu ŋaigonu pitik katesede sulumba wam magenu ta ndo dubikade.

## 6

<sup>1</sup> Sine Kristus tuku pasa amo suk ta buk ismba kila pilgeŋ tukunu kile sine nu tuku pasa nyamagaŋ kareŋnu suk ta isam tuku wamdus pilmba ka sugokube. Sine makek maŋ lato lato sigrika wande palmbim kumuŋ kuga. Sine buk wam kame alo kugatok dubikigeŋ ta kusreka ŋgamuŋgal biye mbilmba makek kareŋnu siriwanu tanaŋ <sup>2</sup> kule pisne maŋau e ko tango mboloŋge wai patinu tuku maŋau sine kila pilgeŋ. Sine tango kummba maŋ tiŋga e ko mbal ŋaigonu lafu ŋayonu tumba minmba minam tuku pasa ta mata sine buk kila pilgeŋ. Ta tuku kile sine pasa alo sugo ŋak isam tuku wamdus pilmba ka sugokube. <sup>3</sup> Kuate nuŋe ndin tumsinguwa ta sine ndin ta mboloŋge sugokamŋgig.

<sup>4</sup> Nane afu Kristus tuku wam katese mayemba maŋ kusrewaig ta nane kile-luka kilam tuku ndin ande kaŋger ndaweg. Ta ndaŋam? Kuate tuku bulu taŋge nane tuku wamdus kilŋaniŋgina. Kuate nu ake sinaŋ tango make patikate wam ta naŋgine wamdus sinamŋge kamusnaig. Nane Tukul Guwa mata tinaig. <sup>5</sup> Nane Kuate tuku pasa ismba tagonaig ta mayenu ŋga idusnaig. Kilke kitek tuku saŋgri minmba minam tuku ta mata kamusnaig. <sup>6</sup> Nane Kristus tuku wam ŋakmba ta kila patika maŋ kusrekuwaig ta nane Kuate tuku Kiyo ŋgumnemba nu tumba naŋgine waimbi lato maŋ ail kazrai mboloŋge daŋŋganu sukde.

Nane nu tuku nyu nyayo silide le njakmba kanjerde. Ta tuku nane ngamunggal biye mbilam tuku ndin ande mine ndakate.

<sup>7</sup> Tane kilke tuku manau kanjerap. Mara mara sawe piymba kilke mbolnje ndekate ta kilke nu sawe tate sulumba tango tuku piro turka nyamagan magenu tingade ta Kuate nu kilke ta nyaro mayenu tuwit. <sup>8</sup> Kilke ande sawe tate sulumba anga najgonu prode ta kilke ta piro kugatok. Kuate nu kilke ta kasuram bafute. Ngumnenga nu kilke ta piyamngat.

<sup>9</sup> Tira kame, sine tane pasa pitinu satinjig ta Kuate nu tane mbolnje tanawe nda nga sine iduseg. Kuate nu tane tuku muskil kile-tidinge tinguwa le tane nu kanjeramngaig. <sup>10</sup> Tane Kuate tuku kume purmba nu tuku mbal turka minig wam ta Kuate nu gilainge nda. <sup>11</sup> Tane njakmba tanguine manau mayenu ta biye demba minap le ma ma wam tairnga minig ta alonu promba tane tumail pulutingamngat. <sup>12</sup> Tane kanyumba ngaro wasni njak mine ndakap. Kuate nu tango mbolnje wam magenu kamngit nga sakina ta o buk nane afu nu kumu ng nga ngamunggal mukuk tairnga minnaig ma ma kile nane Kuate tugumnje kanjerkade. Tane nane tanan minap.

<sup>13</sup> O buk Kuate nu wam mayenu ande kam tuku Abraham sana ta nuje pasa sangri pilewam tuku Sunjo ande nu limba mine ndakina le nu nuje nyu tambi pasa sangri pilemba tejenmba Abraham sana: <sup>14</sup> Ye Sunjo. Ye sijnka ne mbolnje wam mayenu kamngit. Yenge ne tuku ndare te-tugewi le sungokamngat nga Abraham sana le <sup>15</sup> nu ngamunggal mukuk tairnga minna ma ma tina.

<sup>16</sup> Sine tango singine pasa sangri pilewam tuku singine nyu tambi sa ndakeg. Singine mbara nu tuku nyumbi sine pasa sangri pileweg. Manau ta mbolnje ande nu sine tuku pasa pitaiwam kumu ng kuga.

<sup>17</sup> Kuate nu nuje mbal mbolnge wam mayenu kam tuku sakina ta nu wamdus biye mbil ndamba sirka kamngat nga sine idusbe nga nu tango tuku manau dubimba nuje nyumbi nuje pasa sangri pilena. <sup>18</sup> Kuate nu pasa sakate ko nuje nyumbi sangri pilete wam ar ta mbilka kise mayok kine nda. Nu yabrikam kumuḡ kuga. Sine afu Kuatenge tursingwa nga kua ka nu tugum kineng mbal sine nu tuku pasa biye demba ngamungal mukuk alonu tairnga minbe nga nu wam armba te kile-mayokkina. Nu nuje pasa sakina sulumba man nuje nyumbi sangri pilena.

<sup>19</sup> Wam armba ta mbolnge sine nu tuku pasa alonu tairnga mineg mbal wan anga ndinkanu tajan bike ndakeg. Singine anga ta samba mbolnge tukul tawi sinamnge Kuate tugumnge minit. Purkam kumuḡ kuga. <sup>20</sup> Yesus nu Melkisedek tajan pris sungo minmba nu ambonga sine tuku ndin wakeimba sinam kumba sinenu nga Kuate tumailamnge pris piro biymba minmba minit.

## 7

### *Melkisedek nu pris mbal ḡakmba liningina*

<sup>1</sup> Melkisedek nu tango sungo nyu ḡak ma ande nyunu Salem kulatkina. Nu Kuate tuku pris minna. Mara ande Abraham tango sugo afu ndoḡ kame bumba nu nane ḡakmba kile-ibenka nu luka kumba ndinnge Melkisedek te-silikina le nu nyaro pasa tuna. <sup>2</sup> Tavana le nu Melkisedek nu tango sungo nga nuje aganj ndende ḡakmba manḡur 10 patika ande tumba nu tuna.

Melkisedek nyu tugunu ta Manau Tirreknu tuku Gabat. Nu kulatkina ma Salem nyu tugunu ta Wamdus Bulok. Ta tuku nu mata wamdus bulok tuku gabat. <sup>3</sup> Melkisedek tuku ina mam nu tuku wa mbuḡ kame tuku pasa ande ta tuku mine ndakate. Nu prona tuku tugu e ko kumna tuku

tugu ta sine gilai. Nu wam ta kugatok taranj minna. Nu Kuate tuku Kiyo taranj nu pris minmba minit.

<sup>4</sup> Melkisedek nu sinjka nyu sunjo. Singine mbuŋ sunjo Abraham tuku wam kanjerap. Nu gabat afu ndonj kame buna sulumba gabis agaŋ ndende kilna ta manjur 10 patika ande tumba Melkisedek tuna. <sup>5</sup> ŋgumnenga Levi tuku mbuŋ afu atrau piro biyam tuku Kuatenge madiningina. Nane atrau piro biynaig sulumba nanjine mbal tuku agaŋ ndende manjur 10 patika ande didika kilnaig. Nane nanjine mbal lininginaig ta tuku kuga. Nane ŋakmba Abraham tuku mbuŋ. Nane Moses tuku tukul ande dubimba nanjine mbal tuku agaŋ ndende kilnaig. <sup>6</sup> Melkisedek nu Levi tuku ndare kuga. Abraham nu agaŋ ndende manjur 10 patika ande tumba nu tuna le Melkisedek nu sunjo tukunu nu ndek yaimba kilna. Nu kilna sulumba nu Abraham nyaro pasa tuna. Abraham nu ake tango kuga. Kuate nu tango mbolŋge wam mayewam idusna sulumba nu Abraham pasa mayenu ta tuna.

<sup>7</sup> Ima nu sunjo? Tango nu nyaro pasa tuwit ta e ko nyaro pasa tate ta? Tango nu nyaro pasa tuwit nu sunjo. Ta tuku Melkisedek nu sinjka Abraham lite. <sup>8</sup> Levi tuku mbuŋ afu nanjine mbal tuku agaŋ ndende manjur ande kilnaig ta nane tango ndo ŋakmba kume far sulunaig. Melkisedek nu Abraham tuku agaŋ ndende manjur ande kilna ta kuyar pasa nu tuku teŋenmba sakate. Nu abo ŋak minmba minit ŋgate.

<sup>9-10</sup> Melkisedek nu ndinŋge Levi tuku mbuŋ Abraham kangerna le ait ta mbolŋge Levi kugatok ta nu mbuŋ nuŋe tuku fungul sinamŋge minna. Abraham nu nuŋe agaŋ ndende manjur 10 patika ande Melkisedek tuna ta nu nuŋe ndare Levi tuku turmba Melkisedek tambinu taranj kina. Ta tuku kile Levi tuku mbuŋ afu nanjine mbal tuku

agaŋ ndende ndui ndui yaika kilig ta nane pris suŋgo Melkisedek li ndade.

*Yesus nu Aron lite*

<sup>11</sup> Kuate nu Levi tuku tugu Aron tuku ndare nane pris piro biymba kulatkuwaig ŋga nu tukul maŋau tango pino dubiwam tuku te-mayokna. Naŋgine piro ta mbolŋge tango pino Kuate am mbolŋge kumumbi mayok kinaig kande pris kitek ande mayok nda kina kande. Pris kitek mayok kina ta nu Aron tuku ndare kuga. Nu Melkisedek taŋaŋ mayok kina.

<sup>12</sup> Pris kitek mayok kuwa ta tukul maŋau kitek turmba mayok kinit. Tukul ambokok kugate. <sup>13</sup> Pris kitek ye sakit ta nu Levi tuku tugu kuga. Nu Yuda tuku tugu. Yuda tuku mbuŋ ande atrau mbain mbolŋge atrau ndakina. <sup>14</sup> Siŋgine Suŋgo Yesus nu Yuda tuku tugu mbolŋge prona wam ta sine ŋakmba kila. Moses nu atrau piro biyam tuku Israel mbal saningina ta nu Yuda tuku nyu te-mayok ndana. Ta tuku tukul maŋau ambokok sinamŋge Yuda tuku tugu ande pris piro biyam kumuŋ kuga.

<sup>15</sup> Pris kitek Melkisedek taŋaŋ mayok kina wam ta mbolŋge sine kilimok kaŋgereg. Maŋau kitek turmba mayok kina. <sup>16</sup> Yesus nu pris mayok kina ta tukul ande dubimba pris mayok nda kina. Nuŋe mbuŋ ande pris piro biye ndakina. Nu abo ŋak minmba minam tuku nuŋe saŋgri tambi nu pris mayok ka piro ta tina. <sup>17</sup> Kuatenŋge nu tuku teŋenmba sakina. Ne Melkisedek taŋaŋ pris minmba minamŋgat.

<sup>18-19</sup> Ambokok maŋau ta gisleknu. Tango pino tur ndakina. Tukul maŋau mbolŋge nane tiŋreknu mayok ndakinaig le Kuate nu maŋau ta te-sina. Kile maŋau kitek Yesus mbolŋge alonu tamŋgig ŋga tairŋga mineg maŋau ta kumuŋ. Sine nu mbolŋge kumumbi mayok ka Kuate tugum kineg.

20-21 Pris ambokok nane atrau piro biyam tuku Kuate nu saningina ta nuje nyumbi pasa sangri pile ndana. Nu Yesus pris mayok kambim tuku sakina ta nu nuje nyumbi pasa ta sangri pilemba sana: Ye Sunjo. Ye yije pasa yije nyumbi sangri pilemba saken. Ye wamdus mbilmba kisémba sake nda. Ne mara mara pris minmba minamngat ngina.

22 Kuate nuje pasa sangri pilemba nu Yesus pris minmba minam tuku pilna. Ta tuku nu pasa kitek Kuatenge katna ta kulatka minwa le alonu kugawe nda. Minmba minamngat. Ta tuku pasa kitek tanje o buk Moses ndonj pasa katna ta lite.

23 Pris ambokok nane ngakmba kume likinaig. Ta tuku nane lafu-lafuka pris piro biyamba minanu. 24 Yesus nu abo ngak minmba minit tukunu nuje atrau piro kusrewe nda. 25 Nu mara mara abo minmba samba mbolnge Kuate tugumnge tango tuku yabangmba minit. Nane afu nu tuku piro tuku sangri tomba tinga Kuate tugum kinig mbal nu nane tuku muskil kile-tidinga minit.

26 Yesus nu kumumbi sine tuku atrau piro biyit. Nu purfernu. Mbar ande nu mbolnge mine ndakate. Nu sine tango tajar mine ndakate. Nu une kugatok. Kuatenge nu te-dunga samba mbolnge pilmba nyu sunjo tuna. 27 Pris ambokok nane mara mindek ambonga nangine une sauka ngumnega tango pino tuku une saukam tuku aganjmor bale farmba atraukanu ta Yesus nu tarja ndana. Nu nuje ngarosu kumam tuku pilna le afunge nu balenaig le atraukam nduina. Not ndo. 28 Tukul majau sinamnge Kuate nu sine tango une ngak kilmba atrau piro biyam tuku patikina. Ngumnega nu pris kitek piro biyam tuku Kuate nu nuje nyumbi pasa sangri pilena ta nu nuje Kiyo nuje pilna. Nuje Kiyo ta nu purfernu minmba nu pris sunjo kumumbi mayok ka tanjamba minmba minit.



## 8

*Yesus nu pasa kitek kulatkate*

<sup>1</sup> Ye pasa ṅakmba sake likit ta tugunu tejenmba. Singine pris sunḡo Yesus nu samba mbolḡge Kuate tuku ndinam kumamḡge minyak minit. <sup>2</sup> Nu samba mbolḡge Kuate tuku wande tugusek ta sinamḡge nuḡe atrau piro kumba minit. Wande ta Kuatenḡe pilna tuku. Tanḡonḡe pile ndakinaig.

<sup>3</sup> Pris sugo nane agaḡ yimyam Kuate tumba agaḡmor kilmba bale farde. Nane atrau piro ta ke likam tuku pris nyu tinaig. Singine pris sunḡo nu mata piro ta kam tuku nyu tina. Nu agaḡ ande Kuate atraukam kumuḡ.

<sup>4</sup> Yesus nu kilke te mbolḡge minit kande nu atrau piro biye ndakate kande. Pris gudommmba Moses tuku maḡau mbolḡge tukul dubimba agaḡ yimyam kilmba Kuate atrauka tuwig. <sup>5</sup> Kilke te mbolḡge atrau piro kade mbal nane samba mbolḡge piro tugusek ta tuku kanunu ndo kade. Moses nu tawi wande palmbim bafuna le Kuate nu wam pagumba sana:

Ne isa. Ne buk tabe mbolḡge minna le ye wande kanunu te-mayokmba tumnen tanḡamba ndo pale ḡgina.

*Kisim Bek 25.40*

<sup>6</sup> Kuate nu alonu sunḡomba prowamḡgaig ḡga pasa kitek katna. Kile Kristus nu alonu ta kile-mayokkate. Pasa kitek tuku alonu sunḡokanu pasa ambokok lite. Ta tuku atrau piro Kuate nu Kristus tuna tanḡe pris mbal tuku piro ambokok mata lite. <sup>7</sup> Kuate nu Moses ndoḡ pasa katna ta sinamḡge tanḡo pino kumumbi minnaig kande nu maḡ pasa kitek kat ndana kande. <sup>8</sup> Kuate nu tukul pasa kumnemḡge minnaig mbal nu nane ndoḡ pasa ḡjak minmba tejenmba sakina.

Ye Sungo, ye satinḡamḡgit. Ait ande prowa le ye Israel mbal ndoḡ Yuda mbal turmba pasa kitek sanḡgrinu katamḡgit.

<sup>9</sup> Ye o buk Israel mbal tuku mbuḡ turka ndin te-mayoken le Isip kusremba kinaig ait mbolḡge nane pasa sanḡgrinu katen taḡamba kuga. Nane ye tuku pasa ta dubi maye ndamba kusrenaig le ye nane ḡgumneninḡen.

<sup>10</sup> Ye Sungo ye satinḡamḡgit. ḡgumneḡga ait kumuḡguwa le ye pasa kitek teḡenmba Israel mbal ndoḡ katamḡgit. Ye yiḡe tukul pasa ḡakmba nane dubi magekam tuku nane tuku ḡgamuḡgal sinamḡge patike likamḡgit. Ye nane tuku Mbara Sungo mini le nane yiḡe mbal minamḡgaig.

<sup>11</sup> Nane nanḡine kilke tuma mbal nanḡine ndare Kuate tuku kila pilwaig ḡga maḡ tumḡḡge nda.

Nyu ḡak nyu kugatok mbal nane ḡakmba ait ta mbolḡge ye kila minamḡgaig.

<sup>12</sup> Ye nane mapeka nanḡine wam ḡaigonu sauke niḡgamḡgit. Taḡawi sulumba ye nane tuku une ḡakmba ḡilaḡgamḡgit ḡgina. *Yeremia 31.31-34*

<sup>13</sup> Kuate nu pasa kitek katam saka nu pasa ambokok te-sina le piro kugatok minit. Nu piro kugatok minmba ḡgisinu bafute.

## 9

### *Kuate mbariḡam tuku kilke mbolok tawi wande*

<sup>1</sup> Pasa ambonḡa Kuate nu Moses ndoḡ katna ta nane ta sinamḡge fare fare Kuate mbariḡ ndanaig. Nane tukul afu dubika nu mbariḡnaig. Nane nu mbariḡam tuku kilke te mbolok tawi wande pilnaig. <sup>2</sup> Nane wande tumailamḡge bulu ande mbain mbolḡge pilnaig. Tukul bret Kuate am mbolḡge patikinaig tuku mata mbain ta mbolḡge

minnaig. Tawi wande ta nyunu tukul wande. <sup>3</sup> Tukul wande ta ngamunje malanga tukulanu tawi sun gokanu minna. Tawi ta ngumnemnje tawi ma ande minna ta nyunu tukul wande sun go.

<sup>4</sup> Wande ta sinamnje mbain ande agan afu pasokanu le mundur magenu prowanu ta minna. Mbain ta nane golmbi wakeinaig. Kuate nu Israel mbal ndon pasa katna ta tuku bokis mata minna. Nane ngaronu golmbi wakeinaig. Ndate armba tukul pasa kuyaranu jak, gol waim mana fudin do jak, Aron tuku ndumndum kuzru prona ta jakmba bokis sinamnje patikinaig. <sup>5</sup> Bokis mbolnje enel armba wakeika patikinaig. Enel ar ta magenu ndo kilja jak. Nale nakile salmban kuitka bokis tukulnu songinaig. Kuate nu tango tuku mbar saukam tuku pris sun go nu bokis tukulnu ta mbolnje aganmor ndarenu barejanu. Sine kile tawi wande tuku agan ndende jakmba satingham tuku ait kuga. <sup>6</sup> Nane tanga tawi wande tuku agan ndende jakmba patike likinaig.

Pris mbal nane mara mara wande tumailam ta sinam kumba atrau piro yimyam kumba minnaig. <sup>7</sup> Tawi ma ngumnemnje minna ta pris sun go ndo nu wande ta sinam kambinu. Mara mara kuga. Yar ndindo sinamnje ki ait ndindo ndo nu wande ta sinam kambinu. Nu kambim nga aganmor ndare kilmba nune mbar, tango pino tuku mbar, mbar afu nane kumba kamus ndanaig ta jakmba saukam tuku Kuate atraukanu. <sup>8</sup> Manau ta mbolnje Tukul Guwa nu tejenmba sine tumsingit. Ambokok manau sinamnje tukul wande tumailamnje atrau piro kuga ndawa ta ake tango nu tukul wande sun go ngumnem ta sinam kumba Kuate tugum kambim kumu j kuga.

<sup>9</sup> Tawi wande ta manau kitek te tuku kanunu ndo. Manau ta sinamnje nane Kuate mbarinam nga agan yimyam Kuate tuku patika aganmor kilmba bale farmba

atrauka taɲamba taɲamba minnaig. Nane taɲanaig ta naɲgine mbar maɲau tuku piti naɲgine wamdus sinamɲge minnaig. <sup>10</sup> Nane kule le nyamagaɲ tuku tukul ɲgarosu agaɲ ndende minyaɲge likam tuku tukul ta ndo dubika minnaig. Tukul ɲakmba ta ɲgarosu tuku ndo. Nane tukul kame ta dubika minwaig le Kuate nu maɲau kitek te-mayokuwa le tukul kame ta saɲgri kugawamɲgaig.

<sup>11</sup> Nane tukul maɲau dubika minnaig le ta ɲgamukɲge Kuate tugumɲge ɲgamuɲgal mukuk ɲak minam tuku maɲau prona. Kristus nu pro maɲau ta tuku pris suɲgo mayok kina. Nu Kuate tuku wande sinam kumba ka pris suɲgo piro biyit ta kilke mbolok wande kuga. Samba mbolok wande tugusek. Taɲgoɲge pile ndakinaig tuku.

<sup>12</sup> Nu wande ta tuku tukul wande suɲgo nduiye sinam kina. Nu pris suɲgo ambokok taɲaɲ meme le makau fat tuku ndare kilmba tukul wande suɲgo sinam kine ndakina. Nu nuɲe ndare tumba ka ndare tambi sine piyaɲiɲmba sine tuku muskil nduiye kile-tidiɲgina.

<sup>13</sup> Maɲau ambokok dubimba nane meme le makau pailnu tuku ndare kilmba makau paɲgar fatnu pasoki-naig tuku kuke tugu ta tur mbilmba taɲgo nu wam afu mbolɲge kutur kilanu ta nane mbolɲge bareɲɲiɲginaig. Bareɲɲiɲginaig le naɲgine ɲgarosu tuku kutur saukinaig.

<sup>14</sup> Kristus tuku ndareɲge agaɲmor ndare tuku piro lite. Nu purfeɲnu ndo minmba nuɲe minmba minam tuku maɲau tuku saɲgri mbolɲge nuɲe ɲgarosu kumam tuku pilmba Kuate atraukina. Wam afu dubikeg le tur ndasiɲgig le wamdus piti ɲak mineg ta nuɲe ndarembi mbar ta ɲakmba sauke suluwa le sine ɲgamuɲgal mukuk ɲak Kuate mbariɲam kumuɲ. <sup>15</sup> Pasa kitek Kuate katna ta kile Kristus nu alonu kile-mayokkate. Nu tuku kume mbolɲge pasa amboɲga katna ta kumnemɲge minmba

mbarde mbal muskil kile-tidinge ningit. Kile Kuate nu o buk sakina tajamba nu wikade mbal jakmba nuje wam magenu kilam tuku minig.

<sup>16</sup> Tango ande ngumnenga ye kumi le ye tuku aganj ndende yiye mbalnge kilam tuku nga idusmba nu waje ande kuyarmba pilit. Tango ta nu kumit le ndo nu tuku aganj ndende kuembol walmba kilig. <sup>17</sup> Nu nuje pasa kuyarte sulumba nu abo minit ta kuyar ta alo kugatok tajan minit. Nu kumit le ndo alonu mayok kinit. <sup>18</sup> Wam ndui ta ndo Kuate nu pasa o buk tango ndor katna ta alonu mayok kuwa nga tane aganjmor bale farap ngina. Ndare tamba pasa katna ta tugu pilnaig ta tejenmba. <sup>19</sup> Moses nu tukul pasa jakmba tango pino saningina sulumba nu makau fat le meme tuku ndare kilmba kule tur mbilna. Tajamba nu sipsip nguenu gurgur kilmba hisop ail wajenu tur kusmba pilna le ndare sinam kina. Kina le tumba barejna le tukul kuyaranu waje tango turmba mbol kinaig. <sup>20</sup> Tajamba Moses ndek sakina: Tane dubikam tuku Kuate nu tane ndor pasa katna ta ndare tembi tugu pilit ngina.

<sup>21</sup> Nu wam kina tajamba ndo ndare ta tumba ka tawi wande sinamnge Kuate atraukam tuku aganj ndende jakmba mbolnge bareningina. <sup>22</sup> Moses tuku tukul manau ta sinamnge kutur jakmba mayok kinaig ta ndarembi ndo saukinaig. Ndare kutu ndate ta tango tuku une sau ndakate.

*Yesus nu kummba sine tuku une saukina*

<sup>23-24</sup> Manau ambokok sinamnge nane aganjmor ndarembi kutur saukinaig. Manau ambokok ta samba mbolok manau kube ndo naig. Kristus nu kilke te mbolok tuku tukul wande sinam kine ndakina. Nu samba mbolok tuku wande tugusek ta sinam kina sulumba kile sine turkam tuku Kuate tugumnge minit. Ta tuku samba

mbolok aganj ndende aganjmor ndarembi kutur saukam kumuŋ kuga. Atrau aganj purfeŋnumbi ndo kutur saukam kumuŋ.

<sup>25</sup> O buk yar kidemba ki ait ndindo mbolŋge pris sunŋo nu tukul wande sunŋo sinam kambim ŋga nuŋe ndare tumba kine ndakina. Nu aganjmor ndare kilmba kambinu. Kristus nu taŋa ndana. Nu nuŋe ŋgarosu kumam tuku palmbim nduina sulumba nuŋe ndare tumba samba mbolok tukul wande sinam kina. <sup>26</sup> Nu wam ta ke ndakina kande Kuate nu kilke te-mayokna ait ta mbolŋge nu tugu pilmba kume tutur-tuturmba ka kile taŋamba minit kande. Ait kugawam tuku ait te mbolŋge nu mayok kina sulumba nuŋe ŋgarosu tambu une ŋakmba sauke suluwam tuku Kuate atraukam nduina. <sup>27</sup> Taŋgo ŋakmba kume nduiwaig sulumba Kuate nu nane pilenŋgam tuku ait tairŋga minamŋgaig. <sup>28</sup> Taŋamba ndo Kristus nu nuŋe ŋgarosu pilna le nane nu balenaig le nu kumam nduina sulumba taŋgo gudommba tuku une saukina. Nu maŋ luka prowamŋgat ta une saukam tuku prowe nda. Sine nu minde mineg mbal sine tuku muskil kile-tidiŋge sinŋam tuku prowamŋgat.

## 10

<sup>1</sup> Tukul maŋaunŋe samba mbolok tuku tugusek maŋau tuku alonu kile-mayok ndakate. Nu wam tugusek tuku kanunu ndo. Ta tuku nane tukul dubimba yar kidemba aganjmor ndui ta ndo kilmba bale farmba atrauka Kuate am mbolŋge kumumbi mayok kine ndakade. <sup>2</sup> Nane kumumbi mayok kinaig kande nane une tuku piti kamus ndamba aganjmor maŋ kilmba bale farmba atrau ndakinaig kande. <sup>3</sup> Nane yar kidemba une saukam tuku aganjmor kilmba bale farniŋmba atraukinaig sulumba nanŋine une ta idusmba minanu. <sup>4</sup> Makau pailnu le meme tuku

ndarembi une saukam kumuŋ kuga. <sup>5</sup> Ta tuku Kristus nu kilke te mbol prona sulumba nu Kuate sana:

Nane aganmor kilmba bale farmba agan kise kise ne tanmbim tuku patikade wam ta ŋakmba ne nzali ndanate. Ta tuku ne ye ŋgarosu te sina.

<sup>6</sup> Nane aganmor kilmba bale farmba ŋak pasokade ko nanŋine une idusmba aganmor bale farmba atraukade wam ta ŋakmba ne nda nzalinate.

<sup>7</sup> Ta tuku ye ne sanamŋit. Kuyar pasa ye tuku taŋamba sakate ta ye prowen te ne tuku nzali ŋakmba dubikam tuku minet.

*Mune 40.6-8*

Kristus nu taŋamba Kuate sana.

<sup>8</sup> Kristus tuku pasa ta tugunu teŋenmba. Nu amboŋga sakina: Aganmor kilmba bale farmba agan kise kise ne tanmbim tuku patikade wam ta ne nzali ndanate. Aganmor kilmba bale farmba ŋak pasokade ko afu nanŋine une tuku atraukade maŋau ta ŋakmba ne nda nzalinate ŋgina. Nane tukul maŋau dubimba maŋau ŋakmba ta kinaig ta

<sup>9</sup> Kristus nu maŋ pasa tuturmba sakina: Ye prowen te ne tuku nzali ŋakmba dubikam tuku minet ŋgina. Nu maŋau kitek Kuate tuku nzali ŋakmba dubikam tuku ta mayok kuwa ŋga tukul maŋau tuku piro te-sina. <sup>10</sup> Kristus nu Kuate tuku nzali ta dubimba nuŋe ŋgarosumbi Kuate atraukam nduina. Taŋana le Kuate tuku nzali mayok ka Yesus Kristus tuku kume mbolŋge sine nu am mbolŋge kumumbi mayok kageŋ.

<sup>11</sup> Tukul maŋau mbolŋge pris mbal nane tawi wande sinamŋge mara mindek taŋge piroka tiŋ minig. Nane aganmor ndui ta ndo kilmba bale farmba atraukade ta aganmor ndarenuŋge taŋgo tuku une saukam kumuŋ kuga. <sup>12</sup> Kristus nu taŋgo tuku une saukam tuku nu nuŋe ŋgarosu kumam tuku pilmba Kuate atraukam nduina. Nu tuku atrau agan une saukam tuku saŋgri minmba

minamngat. Nu tanana sulumba nu Kuate tuku ndinam kumamnge minyoka <sup>13</sup> Kuate nu nuje ngueu mbal njakmba kile-ibenka nu kumnemnge patikam tuku tairnga minit. <sup>14</sup> Nu nuje ngarusu atraukam nduina le sine nu mbolnge purfejn nu mayok king mbal Kuate am mbolnge kumumbi minmba minamngig. <sup>15</sup> Tukul Guwa nu wam ndui ta ndo tumsingit. Nu ambonga tejenmba sakina.

<sup>16</sup> Ye Sungo ye sakamngit. Ait ande prowa le ye pasa kitek tejenmba Israel mbal ndoŋ katamngit. Ye yiŋe tukul pasa njakmba nane dubi magekam tuku nane tuku ngamunggal sinamnge patike likamngit ngina. *Yeremia 31.33*

<sup>17</sup> Tukul Guwa nu lato maŋ tejenmba sakina.

Ye nane tuku une wam njaigonu njakmba gilaingamngit ngina. *Yeremia 31.34*

<sup>18</sup> Kuate nu sine tuku une njakmba sauka gilaingina tukunu une saukam tuku atrau agar nu piro kugatok minit.

### *Sine Kuate tugum kab*

<sup>19</sup> Tira kame, Yesus nu nuje ndarembi sine tuku une njakmba sauke suglukina. Ta tuku kile sine kuru kuru ndaka ngaro bulok samba mbolok tukul wande sungo sinam kumba Kuate tugum kab. <sup>20</sup> Sine Kuate tugum kambim tuku Yesus nu nuje ngarusu atrauka ndin kitek wakeina. Ndin ta abo njak minmba minam tuku. <sup>21</sup> Nu pris sungo mayok ka sine Kuate tuku mbal kulatkate. <sup>22</sup> Nu siŋine mbar tuku piti sauke sulumba kule purfejn umbi sine tuku ngarusu njakmba minyangina. Ta tuku sine wamdu ndindo tumba Kristus tuku sanŋri tomba tinŋa ngarusu bulok Kuate tugum kab. <sup>23</sup> Sine nu tuku pasa tuku alonu tairnga mineg ta kusre ndamba biye debe. Kuate nu siŋka nuje pasa dubimba siŋine muskil kile-tiŋge siŋgamngat.



<sup>24</sup> Sine tira kame nane afu ngamunggal ninggam tuku afu mbolnge manau magenu ke likam tuku singine singine ngamunggal kuagnekube. <sup>25</sup> Singine mbal afu Kuate mbarinam tuku manjur ndakade ta sine taja ndabe. Sine manjurka singine singine tira ndonj munju sangri pileninbe. Sunjo prowam tuku ait buk patukate. Ta tuku sine mara mara manjurkuba.

*Kristus ngumnewam tuku manau*

<sup>26</sup> Sine Kuate tuku pasa tugusek ismba kila pilmba singine nzali ndo dubimba wam najgonu kumba mineg ta atrau aganj ande une saukam tuku mine ndakate. <sup>27</sup> Sine tajaamba mineg ta sine pilesingam tuku ait Kuate nuje ngueu mbal kilmba pa kame najyo mbol pankamngat ta tairnga minbe.

<sup>28</sup> Tango ande nu Moses tuku tukul pasa ande ake aganj tajan nga lukamba likina ta tango armba ko keymba nu kanjermba nu tumba ka pasa mbolnge te-timba nu mape ndamba balewanu. <sup>29</sup> Ande nu Kuate tuku Kijo ngumnete ta sirka nu ngaro mukuk mine nda. Yesus nuje ndare kutuna le Kuate nu pasa kitek katna ta alonu mayok kina. Nane ndare ta ake aganj ngade ta ndare ta mbolnge ndo nane purfeñnu mayok kambim tuku nu kumna. Tukul Guwa nu nane ake sinaj make patikam iduste ta nane nu tumail pande. Mbal ta nane sirka pa sunjo tam tuku minig.

<sup>30</sup> Kuate nu pasa tejenmba sakina: Manau najgonu lafunu ta ye tuku piro. Yenge pa ningamngit ngina ta sine najkmba kila. Nu lato pasa ande mata sakina: Ye Sunjo. Ye yije mbal najkmba pileningamngit ngina. <sup>31</sup> Ande nu Kuate minmba minit nu tuku pa kanjerwa sulumba ose. Nu kuru kuru sunjo tamngat.

*Sine sangri tinga dirnanjube*

<sup>32</sup> Ambonja bulu mayenu tane tugum prona le tane piti sugo afu pronaig ta tane sangri tinga dirnanga minnaig. <sup>33</sup> Nane tane kilmba tango am mbolnje kile-tidinga piti sugo tinmba tane tumail pantinginaig. Mara afu tangine tira afu mbolnje tananaig ta tane kuru kuru ndaka nane ndonj ulendikinaig. <sup>34</sup> Nane afu mulinj kilanu minnaig ta tane nane ndonj piti kuranaig. Nane afunje tane tuku aganj ndende ake kilmba njaigo siglikinaig ta tane ta tuku wamduis piti sunjo nda tinaig. Aganj kame ta kilke te tuku aganj ndo nga tangine samba mbolok aganj ndende magenu minmba minam tuku ta idus tidinginaig. Tangine manjau mayenu ta gilai ndangap.

<sup>35</sup> Tane sangri tinga dirnanga tanamba ndo minap ma ma lafu mayenu tamnjaig. <sup>36</sup> Manjau tambi ndo Kuate tuku nzali njakmba dubikap sulumba wam mayenu prowamngat nga sakina ta tamnjaig. <sup>37</sup> Kuate tuku pasa te tane isap.

Ande prowamngat ta nu dalke nda. Mine minemba prowamngat.

<sup>38</sup> Yinje tango tinjeknu nu ye ndo idusyumba ye kumunj nga saka minwa. Nu kuru-kuruka lukuwa ta ye nu nzaliwe nda.

*Habakuk 2.3-4*

Kuate tuku kuyar pasa tanamba sakate. <sup>39</sup> Tira kame, afu kuru-kuruka luka ngisikade ta sine nane tananj kuga. Sine Kuate tala ndamba nu kumunj nga abo njak minmba minam tuku mbal mineg. Ngisike nda.

## 11

### *Kuate tuku sangri tomba tingam tuku mbal*

<sup>1</sup> Sine Kuate tuku sangri tomba tingeg wam ta tugunu tejenmba. Sine wam kame tairnga mineg ta sirjka kil-amngig ngeg. Aganj ndende ammbi kanjer ndakeg ta sonndo minig nga ngamungalmbi iduseg. <sup>2</sup> Singine mbunj

kame nane mañau ndui ta ñak minnaig le Kuate nu nane tuku gare ñak nyu sugo niñgina.

<sup>3</sup> Sine Kuate kumuñ ñga sakeg ta nuñe pasambi samba kilke kile-mayokkina ta sine kila. Sine agañ ndende ammbi kañgerkeg te nu agañ ammbi kañger ndakeg tambu nu kile-mayokkina ñgeg.

<sup>4</sup> Abel nu Kuate tuku sañgri tomba tiñga agañmor tumba atraukina. Atrau agañ tanje Kain tuku atrau agañ lina. Kuate nu Abel tuku atrau ta kañgermba nzalina le nu tanjo tiñreknu ñga nu tuku nyu te-mayokna. Nu o buk kumna ta nuñe mañau mayenu tanje sine tumsinmba minit.

<sup>5</sup> Enok nu Kuate tuku sañgri tomba tiñgina ta nu kume ndakina. Kuatenje nu ñgarosu ñak tina le afu nu tuku mindesin kañgeram tuku sotete piseginaig. Kuate nu Enok nda tina sulumba nu tuku gare suñgo tina. Kuyar pasa tañamba nu tuku sakate. <sup>6</sup> Ande nu Kuate talate ta nu Kuate gare tambim kumuñ kuga. Ta tuku ande nu Kuate tugum kambim ñga Kuate nu sinka minit ñguwa. Ne nu sota le nu ne mbolñge wam mayenu kamñgat ñga idusa.

<sup>7</sup> Kuate nu wam ñgumnengga prowam tuku Noa riroñ pasa sana ta nu ismba Kuate tuku pasa son ñga nu nuñe ndare mage minam tuku wañ ande kusna. Noa tuku mañau tanje kilke mbolok mbal tuku mañau ñayonu kilimok te-mayokna. Kuate nu kumuñ ñgina ta nu am mbolñge kumumbi mayok kina.

<sup>8</sup> Kuate nu Abraham nuñe ma kusremba ma kise ande tambim tuku sana le nu Kuate tuku sañgri tomba tiñga nuñe ma kusremba kina. Ma nu kambim tuku ta nu gilai. Ake tiñga kina. <sup>9</sup> Kuate nu ma tambim tuku sakina ta mbol prona sulumba nu Isak le Yakob ndoñ rawe tanjo tañañ minmba baibai ndo patikinaig. Abraham Kuate nu kumuñ ñga ma tam tuku wamdus bulok tairñga

minna. <sup>10</sup> Kuate nu samba mbolŋge tumbraŋ mayenu minmba minam tuku pilna ta Abraham nu tumbraŋ ta ndo idusmba wamdus bulok ŋak tairŋga minna.

<sup>11</sup> Kuate nu pasa sanŋgrinu sakina le Abraham piyo nuŋe Sara nu ismba Kuate nu kumuŋ ŋgina. Ta tuku nu saibo pile mayemba kiŋo tam tuku ait lina ta nu kiŋo konna le sanŋgri tinga fungulok minna. Kuate nu siŋka nuŋe pasa kumuwanŋgat ŋga nu taŋana. <sup>12</sup> Wam ta mbolŋge taŋgo ndindo ta saibo pile mayemba kumam tuku ait patukina le nu tuku mbuŋ gudommmba mayok kinaig. Samba mbolŋge mbai minig piyalŋge fulbul minig taŋaŋ burnu kumuŋ kuga.

<sup>13</sup> Abraham nane Kuate tuku pasa ismba nu kumuŋ ŋga saka minnaig ma ma alonu kanŋer ndamba kume likinaig. Nane pasa ndo ismba ŋgumnenŋga alonu prowamŋgat ŋga nane kila minmba gare ŋak kume likinaig. Nane kilke te mbolŋge minmba sine rawe taŋgo taŋaŋ mineg ŋginaig. Singine tumbraŋ tuguk kilke te mbolŋge mine ndakate ŋga saka minnaig. <sup>14</sup> Taŋaka sakinaig mbal ta nane tumbraŋ ande minam tuku sota wamdus te-mayoknaig. <sup>15</sup> Nanŋine tumbraŋ o buk kusrenaig ta luka kambim kumuŋ ta nane tumbraŋ ta idus ndanaig. <sup>16</sup> Nane ma kise mayenu ndo sota minnaig. Ma ta samba mbolok. Nane Kuate nu sine tuku Mbara ŋginaig le nu nane tuku nyu yabu ndaka samba mbolŋge tumbraŋ ta kuanekke niŋgina.

<sup>17-18</sup> Kuate nu nuŋe kiŋo Isak tuku teŋenmba Abraham sana: Isak mbolŋge ndo ne tuku mbuŋ mayok kanŋaig ŋga sana. Nu Abraham tuku ŋgamunŋgal son tagona le nu Kuate tuku sanŋgri tomba tinga nuŋe kiŋo ndindo balemba luka Kuate atraukam bafuna. <sup>19</sup> Nu teŋenmba idusna: Isak nu kumwa ta Kuate nu te-tiwamŋgat ŋgina. Ta tuku Isak nu kume ndakina ta nu kumanu taŋaŋ mam nuŋe nu maŋ luka tina.

<sup>20</sup> Isak nu Kuate nu kumuŋ ŋga nuŋe kiŋo armba Yakob le Esau wam ŋgumneŋga mayok kaŋgaig ta tuku nyaro pasa nikina.

<sup>21</sup> Yakob nu minmba ka kumam bafuna sulumba Kuate nu kumuŋ ŋga nu nuŋe wa kame Yosef tuku kiŋo armba wam ŋgumneŋga mayok kaŋgaig ta tuku nyaro pasa nikina. Nu nuŋe ndumndum biymba tambu ŋgaro saŋgri pilemba loka Kuate tuku nyu te-duŋga nu nale nyaro pasa nikina.

<sup>22</sup> Yosef nu minmba ka kumam bafuna sulumba Kuate nu kumuŋ ŋga Israel mbal Isip kusrewam tuku saningina: Tane Isip kusremba ye tuku isu kilmba kumba tangine ma kitek mbolŋge ŋgukap ŋgina.

<sup>23</sup> ŋgumneŋga Moses tuku ina mam nu te-pilmba kiŋo mayenu ŋga Kuate tuku saŋgri tomba tiŋga Farao tuku tukul pasa kuru kuru ndaka nu yubeŋginaik le tambun keŋmba minna.

<sup>24</sup> Moses nu suŋgokina sulumba Kuate nu kumuŋ ŋga nu Farao tuku wa ŋga nyu suŋgo tunaig wam ta ŋgum-  
nena. <sup>25</sup> Kilke te tuku nzali ŋaigonu ait fagnu ndo minam tuku ta ŋgumneŋgina sulumba Kuate tuku mbal sina-  
manzer suŋgo minnaig ta nane ndoŋ ulendikina. <sup>26</sup> Nu Isip mbal tuku agaŋ ndende magenu kilam tuku ta agaŋ ŋai fudiŋdo taŋaŋ ŋga mbulmba pitaikina. Nu afuŋge tumail pannaig ta nu Kristus tuku idusmba ŋgamuŋgal mukuk ŋak minna. <sup>27</sup> Nu Kuate tuku saŋgri tomba tiŋga Farao tuku gubra kaŋgermba kuru kuru ndaka saŋgri tiŋga Isip kusrena. Sine siŋgine ammbi Kuate kaŋgeram kumuŋ kuga ta Moses nu Kuate kaŋgeranu taŋaŋ saŋgri tiŋga minna. <sup>28</sup> Kuate nu kumuŋ ŋga nu Pasowa ait suŋgo tugu pilmba kame eŋel nu Israel mbal tuku kiŋo mulum mapeka bale far ndakuwa ŋga nu nane saningina le

nane sipsip baleniŋmba ndarenu kilmba nanġine wande malanġa pisneniŋginaig.

<sup>29</sup> Israel mbal nane Kuate nu kumuŋ ŋga Yu Gurgur ŋga-muŋge bablakina le sim kinaig. Isip mbal nane mata sim kambim tuku tagomba kinaig ta nane ŋakmba ŋgisikinaig.

<sup>30</sup> Ŋgumneŋga Israel mbal Kuate nu kumuŋ ŋga Yeriko tumbraŋ mara 7 laipnaig le ndame fonde sambrika guro-ronaig.

<sup>31</sup> Yerikonu pino Rahab tanġo didik farmba minna tuku ta nu Kuate kumuŋ ŋga Israel tanġo armba tumbraŋ ta katesewam pronaik le nu nale turka yubenġina. Ta tuku nuŋe ŋgueu mbal kame pronaig ta nane Yeriko mbal ŋakmba bale farka nu mapemba bale ndanaig.

<sup>32</sup> Ye nane gudommba tuku wam kubewam kumuŋ. Gideon Barak Samson Yefta David Samuel tuan tanġo ŋakmba satinġam tuku ta ye ait kuga. <sup>33</sup> Mbal ta nane ŋakmba Kuate nu kumuŋ ŋga teŋenmba ke likinaig. Afu nane kilke kisekok mbal ndoŋ kame bumba nane kile-ibenġinaig. Afu sanġri tinġa maŋau tinġreknu ndo mayok kambim tuku pirokinaig. Afu Kuate nu nane mbolŋge wam magenu kam tuku saninġina ta alonu tinaig. Afu nane laion tuku miŋge tukulniŋginaig. <sup>34</sup> Nane afu pa sunġo sinamŋge patikinaig ta kume ndakinaig. Afu nanġine ŋgueu mbalŋge bagimbi bale faram bafunaig ta nane sanġri tinġa kua kinaig. Afu sanġri kugatok ta Kuate tuku sanġri mbolŋge sanġri tinġinaig. Nane kame buwam tuku sanġri tinaig le kilke kisekok mbal nane kua kinaig. <sup>35</sup> Pino afu nanġine kutu kummba maŋ abonġinaig le kilnaig.

Kuate tuku sanġri tomba tinġinaig mbal afu piti yimyam kanġerkinaig. Nane afunġe nane Kuate kusre-waig ŋga ŋgarosu rar sunġo niŋginaig le abo tugu kitek tam tuku saka Kuate kusre ndamba rar sunġo kamusmba

ma ma kume likinaig. <sup>36</sup> Afu kilmba amseseniñmba muli kareñnumbi ngusninge likinaig. Afu muliñ kilmba wandeñge patikinaig. <sup>37-38</sup> Nane afu ndamembi bale farniñginaig. Afu so sunğombi ngamuñge kat pugurkinaig. Afu kame bagimbi bale farniñginaig. Kuate tuku mbal ta sipsip ko meme tuku ngaro fulka tiñge lika minnaig. Nane piti yimyam kilmba kua ka ma baknu mbolñge tabe poñ pilemba ndame burok ko kilke burok sinamuñge nane kuirka sinamanzer sunğo tumba mine likinaig. Kuate tuku mbal ta nane kilke mbolok mbal ndoñ ulendikam mbulnaig.

<sup>39</sup> Nane ñakmba Kuate nu kumuñ nga dirnanga saka minnaig ta Kuate nu nane tuku gare ñak nyu sugo niñgina. Kuate nu wam mayenu kam tuku sakina ta nane alonu kanğer ndanaig. <sup>40</sup> Ta ndañam? Kuate nu sine tuku ait mbolñge wam mayenu te-mayokam tuku idusmba nane sine tairñguwaig le sine kumu kumu muskil kile-tidinge siñgamñgat.

## 12

<sup>1</sup> Sine nane Kuate tuku sañgri tomba tiñginaig mbal ta tuku mañau mayenu ta idusniñmba siñgine nzali yimyam ngumneniñmba ame unenñge sine didikate ta kusreka sine tanğo kame usre mbolñge dirnanga pinderka piya mayenu tam idusde tanañ <sup>2</sup> siñgine wamdus Yesus ndo idus timba minbe. Sine ngamuñgal son teg ta Yesus mbolñge teg. Teg le ka sañgri tingate ta nuñge sañgri pilete. Yesus nu ngumnenña gare sunğo tam tuku idusmba ail kazrai tuku kume kiko sunğo ta tanaig nga kuramba kumna. Kummba tiñgina sulumba kile nu Kuate tuku ndinam kumuñge nyu sunğo ñak minit.

<sup>3</sup> Mbal ñaigonu nane Yesus kasurmba nu tuku nyu ñayo silinaig ta nuñge sañgri kusremba baklel ndana. Tane Yesus

tuku manau ta idusmba tangine sangri tingade wam ta kusreka baklel ndawap. <sup>4</sup> Tane manau tiyreknu dubiwam tuku sangri tingade le afunge wam ta tuku kilmba bale far ndade. <sup>5</sup> Kuate nu pasa ande tane piti sinamnge sangri tingam tuku sakina ta tane gilaingade nga iduset. Kuate nu tane nuje kiyo kame tuku tejenmba sakina.

Yiye kiyo, ye ne te-tinam tuku pa tinet ta talaka nda isanu sukmba mine ndaka.

Ye ne sane liket ta sangri kusremba baklel ndawa.

<sup>6</sup> Ye Sungo. Ye tejenmba ket. Ye ande tuku kume purmba minet ta ye nu te-tiwam tuku pa tuwet.

Ande nu yiye kiyo nga tet ta nu mayenu mayok kambim tuku ye nu nguset. *Sindaun 3.11-12*

Kuate nu tanamba sakina.

<sup>7</sup> Tane Kuate tuku pa kamusde ta nu sine kile-tidingam tuku tanate nga sangri tingap. Tane Kuate tuku kiyo kame minig sulumba nu tuku pa kamusde. Kiyo ima nu mam nuje tuku pa kamus ndate? <sup>8</sup> Kuate nu nuje kiyo kame kile-tidingam tuku pa ningit. Tane nu tuku pa kamus ndawap ta tane nu tuku kiyo kame nda minig. Tane ma ngamukok kiyo kame tanan minig. <sup>9</sup> Singine kilke mbolok mam kame nane sine kile-tidingam tuku pa singinaig ta nane kumumbi kade nga nane kumnemnge mingen. Singine samba mbolok Mam nu singine kanu kulatkate sine pa singit ta sine siyka wamdus bulok yak nu kumnemnge minbe. Ta mbolnge sine mine mayenu tamngig. <sup>10</sup> Sine kiyo kame mingen le singine mam kame sine kile-tidingam tuku nangine wamdus fagnu tamba pa singinaig. Singine Mam Kuate sine nu ndon purfenju tuma minbe nga wam mayenu ta tam tuku nu pa singit. <sup>11</sup> Singine Mam sine pa sungo singit le ta sinamnge sine gare kugatok ngamungal rar yak mineg ta ima nu pa ta mbolnge sangri tingate ta ngumneja nu alonu



kanjerka nu wamdus bulok ñak minamngat. <sup>12</sup> Ta tuku tane pa ta kamusmba baklel ndaka sangri tingap. <sup>13</sup> Tane wamdus sangrinu pilmba manau tinreknu ndo ke likap. Tanawap le tane tuku afu sangri kugatok ta nane sangri tingamngai.

<sup>14</sup> Tango ñakmba ndoñ wamdus bafumbi minam tuku wamdus sangrimba palpe. Tane tinreknu mayok kambim tuku wamdus ndindo pilmba dirnangap. Ande nu tinreknu mayok ndakuwa ta nu Sungo kangere nda. <sup>15</sup> Tane kurau mayewap. Kuate nu ake sinañ tango make patikate wam ta ande nu liwikat. Ko tane tuku ande wamdus ñgueu ñak mayok ka tane ñakmba ñaigo siglikuwa le tane kutur tubekaig. <sup>16</sup> Tane kurau mayewap. Ande nu fare fare pino kame ndoñ unekumba minikat. Ko ande nu Esau tanañ Kuate tuku wam ake agañ tanañ nga bukngikat. Esau nu kiño mulum tukunu mam nuñenge Kuate tuku nyaro pasa nu tambim tuku minna. Ait ande mbolnge nu gubana le nyamagan piyanu mambo nuñe nyaro pasa ta tuna. <sup>17</sup> Ngumneña nu nyaro pasa bukngina ta luka tam tuku nu malmi sungo tumba mam nuñe kusnana kande nu tambim kumuñ kuga. Nu mañ ngamungal biye mbilam tuku ndin kiringina. Tane ñakmba Esau tuku wam ta kila.

*Sine samba mbolok agañ ndende tugum proweg*

<sup>18</sup> Israel mbal o buk Sinai tabe tugum promba nangine ammbi agañ ndende kanjerkinaig. Tabe ta mbolnge pa bulu sungo mayok ka ma furir sungo ndeka bubre sangri ñayo tinga minna. <sup>19</sup> Ta sinamnge tabil siñgon sungo mayok ka Kuate tuku miñge pasa ande prona le tango pino nane pasa ta ismba kuru kuru sungo tumba Moses sarsarmba sanaig: Sine pasa ta lato isam mbulig nginaig. <sup>20</sup> Kuate nu rironñ pasa ande teñenmba sakina:

Aganmor ko tanjo tabe te tugum prowa kande mape ndamba ndamembi balewap ngina.

<sup>21</sup> Wam mayok kinaig ta nane kanjerka kuru kuru sunjo tinaig le Moses nu mata sakina: Ye kuru kuru sunjo tumba isu piririwet nga sakina.

<sup>22</sup> Tane pasa kitek sinamnge minig mbal tabe ta tugum pro ndade. Kuga. Tane Kuate abo tugu minmba minit nu tuku tumbran Sion tabe tugum prode. Tumbran sunjo ta Yerusalem kitek samba mbolnge minit. Tumbran ta sinamnge ejel gudommba manjur sunjo pilmba gare-gareka minig. <sup>23</sup> Mbal afu Kuate tuku kiyo kame ambonga mayok kinaig nu samba mbolnge nane tuku nyu kuyarkina ta nane mata tanje manjurkade. Kuate nu tanjo njakmba pilesingit ta nu mata tanje minit. Nane Kuate tuku mbal tinreknu buk kumumbi mayok kine likinaig ta nane tuku kanu mata minig. <sup>24</sup> Yesus nu mata tumbran ta mbolnge minit. Kuate nu pasa sangrinu kitek katna ta nunge alonu kile-mayokkate. Nuje ndare kutuna tanje Abel tuku ndare witina ta lite.

<sup>25</sup> Ta tuku tane kurau mayewap. Ande nu pasa tum-singit ta tane pitaibekaig. Moses nu kilke te mbolnge Kuate tuku rironj pasa saningina ta ande nu ismba nda isanu sukmba pitaiwa ta nu pa tamngat. Kile Yesus nu samba mbolnge rironj pasa sasingit ta ande nu pasa ta nda isanu sukmba pitaiwa ta nu pa sunjo te nda nga iduste e? <sup>26</sup> O buk Kuate nu Sinai tabe mbolnge nuje pasa Moses ndonj katna le kilke te buru-burukina. Kile nu pasa sangrinu sakate: Ye kilke man nduiye buru-buruwamngit. Kilke ndo kuga. Samba turmba buru-buruwamngit ngate. <sup>27</sup> Kuate nu ye man nduiye buru-buruwamngit ngate ta tugunu terjenmba. Nu agan ndende kile-mayokkina te buru-buruninguwa le njakmba ngisikamngaig. Agan

ndende buru buru ndakuwaig ta ndo kilmba patikuwa le minmba minamŋgaig.

<sup>28</sup> Sine Kuate tuku gageu mayok kageŋ mbal singine tumbraŋ tugusek samba mbolŋge buru-buruke nda. Ta tuku sine Kuate tuku gare pasa tube sulumba nu kuru-kuruka nu kumnemŋge minmba nu tuku nyu te-dungube. Mbariŋ maŋau ta nu nzalite. <sup>29</sup> Singine Mbara pa suŋgo tiglu ŋakmba pasokate taŋaŋ minit.

## 13

### *Kuate gare tambim tuku maŋau*

<sup>1</sup> Tanŋine tira mbal ŋgamuŋgal muŋgu niŋge-niŋgekam tuku maŋau kusre ndawap. <sup>2</sup> Mbal afu ma kisekok tane tugum prowaig kande tane nane kulat magekap. Nane afu buk taŋanaig ta nane eŋel kame kulatkinaig ta nane katese ndanaig. <sup>3</sup> Tane tuku afu muli wandekŋge minig ta tane nane ninanka nane ndoŋ piti tuma kurawanu taŋaŋ minap. Ko afuŋge tane tuku afu rar niŋgig ta nane mata ninanka nane ndoŋ rar tuma kamusanu taŋaŋ minap. Tane mata piti ndui ta kile-siglikubekaig.

<sup>4</sup> Pino taŋgo ndoŋ muŋgu kilik maŋau mayenu ta ake agaŋ ŋga idus ndamba kurau mayewap. Ande nu maŋau ta purte ta nu mbar suŋgote. Pino taŋgo ŋak ko mbanzonu kuayarde mbal Kuate nu nane ŋakmba pileniŋgamŋgat.

<sup>5</sup> Tane ndametij kilam tuku piriri ndawap. Tane agaŋ ndende ŋak minig ta te kumuŋ ŋga idusap. Kuate nu teŋenmba sakina: Ait ŋakmba mbolŋge ye ne ndoŋ minmba kusrene nda ŋgina. <sup>6</sup> Ta tuku sine Kuate tuku pasa ta idusmba sine miŋge bulokmbi teŋenmba sakube.

O Suŋgo, ne mara mara kumumbi ye turyate.

Ta tuku ye taŋgo tuku ŋgueu maŋau kuru kuru ndaket.

*Mune 118.6*

Sine taŋamba sakube.

<sup>7</sup> Tangine gabat kame Kuate tuku pasa mayenu tum-singinaig ta nane Kuate biye demba minnaig ma ma kume likinaig. Nane Kuate tuku sangri tomba tinginaig wam ta idusmba kubewap.

<sup>8</sup> Yesus Kristus mbilka kise mayok kine nda. Nu buk minna kile minit ngumneŋga ndui ta ndo minmba minamngat.

<sup>9</sup> Tane rironkap. Nane afunge wam pagu pasa kise tumtinguwaig le tane nane dubikubekaig. Nane nyam-agarj tuku tukul ndo dubikam tuku tumtingig. Maŋau ta dubide mbal maŋau tanje nane tur ndakate. Kuate nu sine ake sinaŋ make patikate wam tanje singine ngamungal sangri pilete. <sup>10</sup> Sine atrau mbain kitek ŋak. Nane kilke te mbolok tawi wande tuku maŋau dubide mbal singine atrau mbain kitek ta mbolŋge nyamagarj tumba nyam tuku nyu kugatok. <sup>11</sup> Israel mbal tuku pris sunjo nu agarjmor tuku ndare kilmba tanjo pino tuku une saukam tuku nu tukul wande sunjo sinam kina. Nane agarjmor ta ndemnu ŋakmba kilmba tumbran sunjo kusremba kilimŋge pasokinaig. <sup>12</sup> Wam ndui ta ndo Yesus mbol prona. Nane nu tumba ka Yerusalem tumbran sunjo kilimŋge rar sunjo tumba ail kazrai mbolŋge balenaig le kumna. Kummba nuŋe ndarembi sine tuku une saukina le purfeŋnu mayok kageŋ. <sup>13</sup> Ta tuku sine singine maŋau yimyam ambokok ŋakmba kusreka kilim ka Yesus ndoŋ ulendikube. Singine mbal afu talasingig ta sine piti ta nu kurana tanjamba ndo kurabe.

<sup>14</sup> Sine kilke te mbolŋge tumbran ande minmba minam tuku mine ndakate. Tumbran sunjo ande Kuate nu temayokamngat ta sine mindemba mineg. <sup>15</sup> Ta tuku sine mara mara Yesus tuku nyu tumba Kuate tuku nyu tedungube. Maŋau tamba sine ŋakmba atrau agarj balemba Kuate atraukanu tanjaŋ keg.

<sup>16</sup> Nane afu mbolŋge wam magenu kam tuku gilai ndaŋgap. Afu nane agaŋ ndende denkade ta taŋgine agaŋ ndende tambi turkap. Maŋau kame ta Kuate am mbolŋge atrau agaŋ mayenumbi atraukanu taŋaŋ. Nu kaŋgermba gare suŋgote.

<sup>17</sup> Taŋgine gabat kame kumnemŋge minmba nane tuku wam pagu pasa dubi mayewap. Nane ŋgumneŋga ka Kuate tugumŋge piro ta tuku sakamŋgaig ŋga idusmba nane kurauka tane kulat magekade. Tane nane tuku miŋge dubikade ta nane gare ŋak tane kulatkade. Nane piti ŋak pirokade ta piti ta luka tane mbol kaŋgat.

<sup>18</sup> Sine Kuate am mbolŋge mbar tuku wamdus piti kugatok ŋga iduseg. Sine maŋau tiŋreknu ndo kam tuku matuk tukulkeg. Ta tuku tane sine tuku ŋga Kuate yabaŋap. <sup>19</sup> Ye pitik tane tugum prowam tuku tane suŋgomba Kuate yabaŋap.

<sup>20</sup> Yesus nu kumna le Kuate tuku pasa kitek minmba minam tuku katna ta nu tuku ndarembi alonu te-mayokna. Taŋana le Kuate nu Yesus te-tina le nu nyu suŋgo tumba Kuate tuku sipsip kulatkanu taŋgo suŋgo minit. <sup>21</sup> Kuate nu ŋgamuŋgal mukuk miro. Tane nu tuku nzali ndo dubiwam tuku nuŋge wam magenu kumumba tiŋguwa. Tane Yesus Kristus tuku saŋgri tomba tiŋgap le saŋgri taŋge Kuate nu tane tuku ŋgamuŋgal sinamŋge nuŋge nzali ŋakmba kile-mayokkuwa. Yesus Kristus tuku nyu suŋgo ta minmba minwa. Son.

<sup>22</sup> Yiŋe tira kame, ye pasa kuennu tane tuku kuyar ndawet. Ye tane saŋgri piletiŋgam tuku pasa fagnu kuyaret te tane kilba pilmba ise mayewap.

<sup>23</sup> Timoteus nu muliŋtinaig ta nu buk mayok kina ta ye tane kila satinŋet. Nu pitik ndo ye tugum te prowa ta ye nu ndoŋ tane tugum prowamŋgik.

<sup>24</sup>Tanjine gabat kame Kuate tuku mbal njakmba singine gare pasa te saningap. Tanjine tira afu Italinge minig ta nane mata tane gare pasa tingig.

<sup>25</sup>Kuate nu ake sinaŋ tane make patikuwa.  
Son.

**KUATE TUKU PASA**  
**Portions of the Old Testament and The New Testament in the**  
**Siroi Language of Papua New Guinea**  
**Sampela hap Buk Baibel long tokples Siroi long Niugini**

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 19 Oct 2021 from source files dated 17 Oct 2021

9d2e8659-afb4-5cca-93d8-23ebf89e1709